

Date – 02/02/2026

Time - 18:30 -18:40Hrs

AKASHVANI AIZAWL
REGIONAL NEWS BULLETIN
HEADLINES (EVENING)

1. Sorkarin vawiin atanga loneitute Sawhthing lei a tum chu Reserve Price a tihsan lutuk avangin khawi District-ah mah vawiin khan leitu an awm rih lo.
2. Fimkhur Hapta Road Safety Month tum li-na chu Transport Department Minister Pu Vanlalhlana'n vawiin khan Aizawlah a hawng .
3. Vawiin atangin Lok Sabha-ah President Droupadi Murmu-in House pahnih member hma a thusawi chungchanga lawmthu sawina motion sawiho a ni.
4. US-India Strategic Partnership Forum (USISPF) chuan Union Budget 2026-27 an fak.

<><><>

GINGER

Sorkarin vawiin atanga loneitute Sawhthing lei a tum chu Reserve Price a tihsan lutuk avangin, leitu an awm lova, hriat theih chinah khawi District-ah mah vawiin hian sawhthing hralh a ni lo.

Sorkar ruahman dan chuan vawiin atangin Mizoram puma sawhthing lei tan tur a ni a, district hrang hranga a buaipuitu District Agriculture Marketing Committee (DAMC) ten Primary Collection Centre (PCC) leh Secondary Collection Centre (SCC) kaltlangin lei tum a ni a, hetihlai hian Mizoram sorkarin sawhthing hralh chhuah phalna man a bituk, Reserve Price chu cheng 40 atanga 45 inkar a ni a, Reserve Price hi a san em avangin a leitu an awm mai lova ni.

Vawiin hian Mizoram district hrang hrangah sawhthing hralh a ni lova, Serchhip District-ah chuan cheng 44 a tender tihchhuah niin, chhangtu an la awm loh avangin Sawhthing lak a la ni lova, Khawzawl District leh Vairengteah chuan Secondary Collection Center (SCC) ah sawhthing lakkhawm tan a la ni lo a, Tender notice pawh chhuah a la ni lova, Saitual District leh Hnahthial District ah pawh SCC kaltlang a hralh an la awm lova, Champhai District-ah pawh Sawhthing leitu tur chu SCC ten an la zawng kual mek chauh tih Champhai DC, DAMC chairman ni baw, Pu Mohammad Aaquib chuan a sawi a, Aizawl Addl. Deputy Commissioner, Pu Zoramsiama Hmar pawhin Aizawl District chhungah vawiinah buyer an la awm lova, sawhthing cho lawk an awm lo baw tih Akashvani News Aizawl a hrih a ni.

Hemi chungchanga Akashvani News zawhna chhangin MAMB Co-Chairman Dr KC Lalmalsawmzauva chuan Reserve Rate an siam chhin hi Mandi pahnih- Mizorama sawhthing thlen thlakna, West Bengal-a Siligur Mandi leh Asia rama sawhthing mandi lian ber- Azadpur Mandi, Delhi-a sawhthing rate te tinzawn a siam a ni a ti a, vawiin hian Siligur Mandi sawhthing rate chu kg 1-ah cheng 58 a ni a, Azadpur Mandi-ah sawhthing kg 1 chu cheng 55 man vel bawr a nih bawk avangin Mizorama Reserve Price pawh hi a san phah tih a sawi a, ruahman lawk ang chuan Reserve Price hi chawlhkar khat zel kalpui tum a ni a, thil thlen dan chu an thlir reng a, a boruak a zirin a tul angin hma an la zel dawn tih a sawi a ni.

Byte: MAMB Co-Chairman Dr KC Lalmalsawmzauva

Hetihlai hian mimal sumdawng state dang a thawnychhuak thin te chuan Mizoram khaw thenkhatah Mizoram sorkar kaltlang ni lo, direct-in sawhthing chu kg 1-ah cheng 27 atanga cheng 30 inkarin an lei ve mek bawk a, tun dinhmunah Mizoram thenawm

Guwahati leh Bagha sawhthing rate chu kg 1-ah cheng 35 atanga cheng 37 vel a nih bawk avangin hemi chungchang hrechiantute chuan hmarchhak state dang a sawhthing market rate a san loh laia Mizoram Reserve Price tihsan reng a nih chuan Mizorama loneitute tharchhuah sawhthing chu an ti ral thei lovang tih hlauhthawnawm an tih thu an sawi a ni.

Mizoram Agricultural Marketing Board (MAMB)-in a chhinchhiah danin, kumin hian Mizoram pumah sawhthing hralh tura chhinchhiah quintal nuai 3, sing 4, sang 5, 495.82 a awm a ni.

Hetihlai hian Agriculture & Farmers Welfare Minister Pu PC Vanlalruata chuan Mizoram sawhthing quality thatna chu khawvelin a hre tan tawh a, chuvang chuan lo induh ve deuh an duh tih a sawi a, nikumah sawhthing rate a chhiat viau avangin support price cheng 50 in an lei a, kuminah pawh Support Price Mode-in an kal dawn a, sawthing chingtute pawhin Marketing Board-in ruahmanna an siam lo zawm se, Kg-ah Rs. 50 an inpteah a lut dawn e, a ti.

Agriculture Minister Pu PC Vanlalruata hian Kum 2026-27 Budget-ah thlai thar leina tur an dah dawn a ti a, nikumah khan ZPM sawrkarin Handholding-a an dah ring nghal in thlai thar leina budget-ah a dah a, mahse, House-ah thlai thar leina tur an dah chu an zawt si a chuvangin Chief Minister thu in a hranpain, Handholding-a dah loin, an dah tawh dawn a ti.

Vairengtea kan corr sawi danin, Sawrkar in sawhthing lei tan anih tur thu a puan hnuah Vairengte chhunga kuthnathawk tu abikin sawhthing leh hmunphiah ching tu te chuan hralh anih huna phurh chhuah na tur chungchanga an harsat na tawh te sawrkar hnenah thlenin vawiin khan ZPM Serlui North Block hruaitute hmalaknaa huan hawng laih a ni.

Kan corr report lo ngaithla ang.

VC

Vairengte Sabual mual Zâu a Pu Ramsiama leilet peng kawng chu huan neituten an thlai leh hmunphiah te hralh tura an phurh chhuah duh tawh mahse leimin leh khuar avangin lirtheia tlawhpawh hleih theih lohvin a awm a, an harsatna tawh hi ZPM

Serlui North Block hruaitute hnenah thlenin hmalakpui turin an ngen a, Block hruaitute chuan an harsatna tawh te a hmunah hmuhpuiin, he kawng Kilometer 1 vela thui chu lirthei - kal theihna turin JCB - hmanga khuar hnawh leh nawr niin, an sial thar sak an ni.

He lai huamchhunga huan nei te leh kuthnathawktu te chuan kawng tha taka laih anih tawh avanga an thlai tharte phurh chhuahna kawngah harsat na an neih dawn tawh loh thu an sawi a, an phur tawh hle tih an sawi.

<><><>

CM

Indian Oil Company Limited ten kum tina an kalpui thin hapta hnih chhung awh tuialhthei renchem inzirtirna Saksham 2025-26 chu vawiin khan MINECO-a Mizofed Petrol Pump-CO ah Chief Minister Pu Lalduhoman a hawng a. Supply Minister Pu B. Lalchhanzovan a telpui a ni.

Thu sawiin Chief Minister chuan, Aizawlah inchhunga hman thin eirawngbawlna pipeline connection a awm theih nan hma lak mek a ni a ti a. Tripura atangin a pipe hi chak taka phum mek a ni a. Mizoram lei hnuaia oil leh gas zawn hna hi chak zawka kalpui a nih theih nan an bawhzui zel a ti. Green Energy lamah pawh hmasawn theihna remchang apaingte chak takin an bawhzui, a ti bawk.

Supply Minister Pu B. Lalchhanzova pawhin thusawiin, nitin gas supply lamah harsatna a awm loh nan an tang hle a. Mualkhang Gas Bottling Plant an tuai thar mek a, hna an thawk mek a ti a. Oil supply chatlak vanga harsatna an tawh thinte tih ziaawm nan Oil Depot neih tumin an bei mek a ti bawk.

Petroleum Planning & Analysis Cell, India chhinchhiah danin kum 2024-25 chhungin Mizoram chuan Diesel (HSD) hi 119.20 Thousand Metric Ton, Petrol hi 58.83 Thousand Metric Ton leh LPG 34.6 Thousand Metric Ton a hmang ral a ni.

LPG distributor hi 60 an awm mek a, Petrol Pump (retail outlet) hi 115 a awm a, EV Charging Station hi a la awm lo thung. Lirthei hi VAHAN atanga a lan danin Mizoramah 4,22,661 vel register tawh a ni.



ROAD SAFETY MONTH

Fimkhur Hapta Road Safety Month tum li-na chu Transport Department Minister Pu Vanlalhlana’n vawiin khan Aizawlah a hawng a, 'Sadak Suraksha-Jeevan Raksha- Fimkhur La I Nun Humhim Rawh ' tih chu thupui atan hman a ni.

Mizoram State Road Safety Council buatsaih Road Safety Month hawnnaah hian Transport Minister Pu Vanlalhlana chuan thusawiin Mizoram puma lirthei khalhtu leh ke a kalte himna tura uar zawka inzirtirna leh Dan hmanga enfiahna nasa zawka kalpuina tur a ni a ti a, mipui te nena fimkhur ngaihna te leh an himna ngaih pawimawhna hun a nih dawn thu a sawi a.

Nikum khan Mizoram ah lirthei chetsual vawi 73 a thleng mi 56 in nunna an chan thu leh mi 45 in hliam an tawrh thu a tarlan thu leh heng hi a tlangpuiin fimkhur loh vang motor tlan chak avanga thleng a ni a ti.

Road Safety Council chun mipui te tan awlsam zawk nan E-electronic leh Smart zawka an kal chhoh zel tur thu sawiin mahni awm hmun atangin Transport Department a service mamawh te a neih theih tawh a ni a ti.

Kawngpui tha neih chu sawrkar mawhphurhna niin a enkawl chu mipui in mahni mawhphurhna an lak theih a tul a ti a, Road Safety Month chu mipuiten an dinhmun in enfiah nan hmanga an Document fel lo te in tih fel nan hmang turin a chah bawk.

Vawiina kalkhawmte hian fimkhur tura thutiam an chhiar chhuak a ni.



NATURE LEARNING CENTRE

Nature Learning Centre(NLC)-Mizoram chuan Mizoram chhunga College hrang hrang paruk atanga thlan chhuah zirlai te leh official mi 45 te chu Nature tour nei turin Chief Wildlife Warden Office kawt, Khatla atangin a tir chhuak.

He Nature tour atan hian Govt Champhai College, Govt Serchhip College, Zirtiri Residential Science College, Pachhunga University College, Govt Aizawl College leh J. Thankima College atangtea thlan an ni a. Kar khat chhung Nature Tour hi neih tur niin, Kaziranga National Park, Guwahati Zoo, Ramsar site-Deepor Beel, Vulture Breeding Centre, Pygmy Hog Breeding Centre leh Conservation Centre pawimawh dangte an tlawh dawn a ni.

He Nature Tour vawiliamna hun hi Conservator of Forests, Central Circle Pu Laltlanhlua Zathang chuan hmanpuiin zirlaite fuihna thu a sawi a. Kaziranga National Park chu India ram mai nilo, khawvel pumah pawh wildlife Park lar tak a nih thu leh, he Nature tour atanga a tam thei ang ber wildlife conservation chungchangah thiamna rawn hawn turin a chah a ni.

Nature Learning Centre-Mizoram hi kum 3 chhung project niin Champhai Forest Division hnuaiah kalpui mek a ni a. National Action Plan on Climate Change (NAPCC) hnuaia mission pariat zinga pakhat-National Mission on Himalayan Studies (NMHS) atangin fund hi hmuh a ni.



AIR NEWS

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve ah Chanchinthar puan leh a ni ang.



MOTION OF THANKS

Vawiin atangin Lok Sabha-ah President Droupadi Murmu-in House pahnih member hma a thusawi chungchanga lawmthu sawina motion sawiho a ni. Motion puluttu Union Minister leh BJP hruaitu Sarbananda Sonowal chuan President thusawi chu chhinchhiahtlak atih thu a sawi a. Ram hma hun thlirlawkna ropui tak President thusawiah khan a awm thu a sawi a. Sawrkarin mitin tana rorelna dik pekte, hmasawnna huapzo leh Viksit Bharat dinna turte a tel a ti.

Union Parliamentary Affairs Minister Kiren Rijiju chuan President thusawia motion of thanks sawiho nan hian Lok Sabha ah darkar 18 bituk anih thu a sawi a.Vawiina chanchinbumite a kawmnaah Pu Rijiju chuan ni thum chhung an sawiho hnuah Prime Minister Modian nilaini khian sawihonaa zawhna awmte chhangin a khar ang a ti.

<><><>

BUDGET

US-India Strategic Partnership Forum (USISPF) chuan Union Budget 2026-27 chu fakin hmasawnna tura ruangam tha leh huapzo anih thu sawiin India in ramdangte a elna kawngahte, sum peipunna investment tihpunna, leh sumdawnna kawnga awlsamna thlen thei tur anih thu an sawi. USISPF hian thuchhuah siamin Union Budget chuan sumdawnna a ti thang chak dawn a. Chhiah lak dan tunlai mila herrem leh chhiah lak tihtlem mai bakah banking sector lama insiamthatna te a awm tih an tarlang a. Thil siamchhuahna lam ngai pawimawha awmze neia sector hrang hranga puihna pek te leh khawvel sumdawnna hmun thaa India siam kawngah chak zawkin hmasawn a ni ang tih an tarlang bawk a ni.

State Bank of India Chairman Challa Sreenivasulu Setty pawhin Union Budget fakin ngaihtuahna thar hmanga hmasawnna thlen kawngah India chu a hmunpui beraha siam turin rahbi pawimawh tak a rap tan a ti a. Khawvel ramdangte nena inel pha turin thil siamchhuah lamah hmasawnna a thlen dawn a ti bawk.

